



МОНГОЛ УЛСЫН  
ХУУЛЬ ЗҮЙ, ДОТООД ХЭРГИЙН  
САЙДЫН ТУШААЛ

2017 оны 02 сарын 06 өдөр

Дугаар А/29

Улаанбаатар хот

Журам батлах тухай

Гэр бүлийн хүчирхийлэлтэй тэмцэх тухай хуулийн 41 дүгээр зүйлийн 41.5 дахь хэсэгт заасныг үндэслэн ТУШААХ нь:

1. "Гэр бүлийн хүчирхийлэлд өртсөн хүүхдэд эрх зүйн туслалцаа үзүүлэх журам"-ыг хавсралт ёсоор баталсугай.
2. Журмыг үйл ажиллагаандаа мөрдөж ажиллахыг гэр бүлийн хүчирхийлэлд өртсөн хүүхдэд эрх зүйн туслалцаа үзүүлэх төрийн болон төрийн бус байгууллагад зөвлөсүгэй.
3. Журмын хэрэгжилтэд хяналт тавьж ажиллахыг Төрийн нарийн бичгийн дарга /Г.Баясгалан/-д үүрэг болгосугай.

САЙД



С.БЯМБАЦОГТ



Хууль зүй, дотоод хэргийн сайдын  
2017 оны 02 дугаар сарын 06-ний өдрийн  
429 дугаарын тушаалын хавсралт

## **Гэр бүлийн хүчирхийлэлд өртсөн хүүхдэд эрх зүйн туслалцаа үзүүлэх журам**

### ***Нэг. Нийтлэг үндэслэл***

1.1. Энэ журмын зорилго нь гэр бүлийн хүчирхийлэлд өртсөн хүүхдэд эрх зүйн туслалцаа үзүүлэх харилцааг зохицуулахад оршино.

1.2. Гэр бүлийн хүчирхийлэлтэй тэмцэх тухай хуулийн 39 дүгээр зүйлийн 39.1-д заасан эрх зүйн туслалцаа нь эрх зүйн зөвлөгөө, өмгөөллийн үйлчилгээнээс бүрдэх бөгөөд үнэ төлбөргүй байна.

### ***Хоёр. Эрх зүйн зөвлөгөө***

2.1. Эрх зүйн зөвлөгөөг гэр бүлийн хүчирхийлэлтэй тэмцэх чиглэлээр магадлан итгэмжлэгдсэн төрийн бус байгууллага мөн хамтарсан баг биечлэн болон утсаар цахим /мэйлээр, вэб сайтын тусламжийн булан/ хэлбэрээр үзүүлнэ.

2.2. Хэрэв хохирогч хүүхэд эрх зүйн зөвлөгөөг биечлэн авах хүсэлт гаргасан бол хүсэлтийг хүлээн авсан байгууллага, албан тушаалтан энэ журмын 2.1-д заасан холбогдох байгууллагад хандаж, эрх зүйн зөвлөгөө биечлэн үзүүлэх ажлыг хариуцан зохион байгуулна.

2.3. Гэр бүлийн хүчирхийлэлд өртсөн хүүхэд 0-7 настай бол түүний эцэг, эх, хууль ёсны асран хамгаалагч, харгалзан дэмжигч, төлөөлөх этгээд, 7 ба түүнээс дээш настай бол өөрийн саналыг харгалзан үзнэ.

2.4. Гэр бүлийн хүчирхийлэлд өртсөн хүүхдэд 107, 108 дугаарын утсаар эрх зүйн зөвлөгөөг үнэ төлбөргүй өгнө.

2.5. Эрх зүйн зөвлөгөөг цахим хэлбэрээр үзүүлэхдээ хохирогчид тухайн нөхцөл байдалд тохирсон үйлчилгээгээр үйлчлүүлэх эрх зүйн боломжтойг зөвлөнө.

2.6. Гэр бүлийн хүчирхийлэлтэй тэмцэх тухай хуульд заасны дагуу бүх шатны Засаг дарга хохирогч хүүхдэд эрх зүйн зөвлөгөөг цахим хэлбэрээр үзүүлэх ажлыг харъяалах нутаг дэвсгэртээ зохион байгуулна.

2.7. Эрх зүйн зөвлөгөө үзүүлсэн байгууллага, албан тушаалтан хохирогч хүүхдийн мэдээллийг нэг бүрчлэн авч мэдээллийн сан үүсгэн, баталгаажуулна.

2.8. Хохирогч хүүхдэд эрх зүйн зөвлөгөө үзүүлэхдээ дараахь зүйлийг анхаарна:

2.8.1. хохирогч хүүхэдтэй зөв харьцаж, хүндэтгэлтэй хандах;

2.8.2. хүүхдийн сэтгэл зүй, насны онцлогт тохирсон асуултыг энгийн үгээр ойлгомжтой асуух;

2.8.3. хүүхдэд сэтгэл санааны дэмжлэг үзүүлж, тусалж дэмжих;

2.8.4. хүүхдийг буруутгасан аливаа асуулт, үйлдэл гаргахгүй байх.

2.7. Эрх зүйн зөвлөгөө нь хохирогч хүүхдийн хэрэгцээнд нийцсэн байх бөгөөд хүүхэдтэй хүнлэг бус харилцах, нэр төрийг нь гутаан дормжлох, ялгаварлан гадуурхахыг хориглоно.

### ***Гурав. Өмгөөллийн үйлчилгээ***

3.1. Гэр бүлийн хүчирхийлэлд өртсөн хүүхэд Гэр бүлийн хүчирхийллийн тухай хуульд заасан өмгөөллийн үйлчилгээ авах эрхтэй.

3.2. Цагдаагийн алба хаагч, төрийн бус байгууллага болон хамтарсан багийн гишүүн, нийгмийн ажилтан нь гэр бүлийн хүчирхийлэлд өртсөн хүүхэд, түүний асран хамгаалагч, харгалзан дэмжигчид эрх зүйн туслалцаа авах эрхийг хангахын тулд өмгөөллийн үйлчилгээ авах талаар санал болгоно.

3.3. Энэ журмын 3.2-т заасан албан тушаалтан гэр бүлийн хүчирхийлэлд өртсөн хүүхдийг өмгөөллийн үйлчилгээ үзүүлдэг байгууллага, өмгөөлөгчтэй холбон зуучлах ажлыг зохион байгуулна.

3.3. Өмгөөлөгч нь гэр бүлийн хүчирхийлэлд өртсөн хүүхдийн эрх ашгийг хуульд заасны дагуу төлөөлнө.

3.4. Гэр бүлийн хүчирхийлэлд өртсөн хүүхэд өмгөөллийн үйлчилгээ авахад хамтарсан багийн гишүүн, сургуулийн нийгмийн ажилтан, төрийн бус байгууллагын ажилтан, хуулийн ёсны төлөөлөгчийн аль нэг заавал хамт байлцана.

3.5. Өмгөөлөгч нь өмгөөллийн үйлчилгээ үзүүлэх явцдаа хохирогч хүүхдийн амь нас, эрүүл мэнд, аюулгүй байдал, хууль ёсны ашиг сонирхлыг хамгаалах зорилгоор холбогдох төрийн болон төрийн бус байгууллагаас дэмжлэг авч болно.

3.6. Өмгөөлөгч нь гэр бүлийн хүчирхийлэл үйлдэгчтэй ураг садан болон ажил төрлийн холбоотой бол гэр бүлийн хүчирхийлэлд өртсөн хохирогч хүүхдэд үйлчилгээ үзүүлэхээс сайн дураар татгалзах үүрэгтэй.

3.7.Өмгөөлөгч нь хүчирхийлэлд өртсөн хүүхдэд хууль зүйн туслалцаа үзүүлэх явцдаа олж мэдсэн үйлчлүүлэгчийн нууцыг чанд хадгалах бөгөөд ашиг олох, нэр хүндийг гутаах болон бусад хувийн зорилгоор ашиглахыг хориглоно.

3.8. Өмгөөлөгчийн буруутай үйл ажиллагаанаас болж гэр бүлийн хүчирхийлэлд өртсөн хохирогч хүүхэд дахин хохирсон тохиолдолд хамтарсан багийн гишүүн, сургуулийн нийгмийн ажилтан, төрийн бус байгууллагын ажилтан өмгөөлөгчийн талаарх гомдлыг холбогдох байгууллагад гаргах эрхтэй.

### ***Дөрөв. Эрх зүйн туслалцаа үзүүлэх төрийн бус байгууллагын чиг үүрэг***

4.1.Төрийн бус байгууллага нь эрх зүйн туслалцаа үзүүлэхдээ дараахь чиг үүргийг хэрэгжүүлнэ:

4.1.1.хохирогч хүүхдэд ямар туслалцаа авах боломжтойг нэг бүрчлэн тайлбарлаж, үнэн зөв мэдээлэл өгөхийг хүүхдэд ойлгуулах;

4.1.2.гэр бүлийн хүчирхийлэлд өртөхөөс урьдчилан сэргийлэх талаар зөвлөгөө өгөх;

4.1.3."Хүүхдийн тусламжийн утас 108", "Гэр бүлийн хүчирхийлэлд өртсөн хохирогчид зөвлөгөө өгөх 107" утсыг сурталчлах, сургалт сурталчилгааны ажил зохион байгуулах;

4.1.4.гэр бүлийн хүчирхийлэлд өртсөн хохирогч хүүхдийн эрх, ашиг сонирхлыг хангахдаа хуульд заасны дагуу төлөөлөх;

4.1.5.хуульд заасан эрх зүйн туслалцаа үзүүлэх чиглэлээр ажилладаг байгууллага, албан тушаалтантай холбох.

4.2.Төрийн бус байгууллага нь гэр бүлийн хүчирхийллийн эсрэг сургалт сурталчилгаа явуулахдаа гэр бүлийн хүчирхийлэлд өртсөн хохирогч хүүхдийн нэр төрд халдсан мэдээ, мэдээллийг санаатай болон санамсаргүй байдлаар мэдээлэхгүй байх үүрэгтэй.

4.3.Гэр бүлийн хүчирхийлэлтэй тэмцэх чиглэлээр үйл ажиллагаа явуулдаг магадлан итгэмжлэгдсэн төрийн бус байгууллага нь хохирогч болон хүчирхийлэгчийн талаар мэдээллийн сан бүрдүүлж ажиллана.

### ***Тав. Бусад***

5.1. Хуульд заасан эрх зүйн туслалцаа үзүүлэх чиг үүрэг бүхий байгууллага, албан тушаалтан эрх зүйн туслалцааны талаарх мэдээллийг гэр бүлийн хүчирхийллийн хэлбэр тус бүрээр улирал тутам нэгтгэж, дүн шинжилгээ хийж цагдаагийн байгууллагад хүргүүлнэ.